

REGIONAL NEWS UNIT
ALL INDIA RADIO, AGARTALA
Date: 29-03-2024
Time: 07:55-08:05 PM Hrs
BENGALI EVENING BULLETIN

Headlines :

(১) নির্বাচন ঘোষণা হওয়ার পর থেকে আজ পর্যন্ত, নির্বাচনী আদর্শ বিধি লঙ্ঘন নিয়ে সারা দেশে ৭৯ হাজারেরও বেশি অভিযোগ, নির্বাচন কমিশনের কাছে জমা পরেছে ।

(২) রাজ্যের ২টি আসনের লোকসভা নির্বাচনে নতুন ভোটারদের ভোটদানে আগ্রহ বাড়াতে স্কুল কলেজে প্রচারমূলক কর্মসূচী করছে রাজ্য নির্বাচন দপ্তর ।

(৩) টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতায় ইউনাইটেড ফ্রেন্ডস রানার্স হয়েছে ।

ECI-C-Vigil App :

নির্বাচন ঘোষণা হওয়ার পর থেকে আজ পর্যন্ত, নির্বাচনী আদর্শ বিধি লঙ্ঘন নিয়ে সারা দেশে ৭৯ হাজারেরও বেশি অভিযোগ, নির্বাচন কমিশনের কাছে জমা পরেছে। এই অভিযোগ গুলো এসেছে নির্বাচন কমিশনের সি-ভিজিল অ্যাপ এর মাধ্যমে। নির্বাচন কমিশন বলেছে, ৯৯ শতাংশের বেশি অভিযোগের

সমাধান করা হয়েছে এবং প্রায় ৮৯ শতাংশ অভিযোগ ১০০ মিনিটের মধ্যে সমাধান করা হয়েছে।

অবৈধভাবে হোর্ডিং ও ব্যানার লাগানো নিয়ে ৫৮ হাজার ৫০০-র বেশি অভিযোগ পাওয়া গেছে। ১৪০০ টিরও বেশি অভিযোগ পাওয়া গেছে টাকা, উপহার বিতরণ সংক্রান্ত। প্রায় তিন শতাংশ অভিযোগ এসেছে সম্পত্তির ক্ষতিসাধন সংক্রান্ত।

DM Press Meet-North :

উত্তর জেলার জেলা শাসক দেবপ্রিয় বর্ধন আজ ধর্মনগরে এক সাংবাদিক সম্মেলনে এই জেলায় লোকসভা নির্বাচন অবাধ ও সুষ্ঠুভাবে করার জন্য গৃহীত যাবতীয় উদ্যোগ বিস্তারিত উল্লেখ করেন। তিনি জানান, উত্তর জেলায় মোট ভোটার রয়েছে তিন লক্ষ ৩১ হাজার ৩০৩ জন, এর মধ্যে পুরুষ ভোটার ১ লক্ষ ৬৬ হাজার ৯৯ জন ও মহিলা ভোটার ১ লক্ষ ৬৫ হাজার ২ জন। দিব্যাঙ্গ ভোটার ২৪৯৬ জন এবং ৮৫ বছরের উর্ধ্ব ভোটার রয়েছে ১৯২২ জন। ৮৫ বছরের উর্ধ্ব বয়স্ক ভোটাররা বাড়ি থেকেই ভোটাধিকার প্রয়োগ করতে পারবেন। শ্রী বর্ধন জানান, উত্তর জেলায় মোট ভোট কেন্দ্র রয়েছে ৩৭২টি এবং ভোটকর্মীর সংখ্যা ৭৯৯ জন। এই নির্বাচনে ১৭টি ভোট কেন্দ্র শুধুমাত্র মহিলাদের দ্বারা পরিচালিত হবে। ১৪টি ভোট কেন্দ্রকে আদর্শ ভোট কেন্দ্র হিসেবে চিহ্নিত করা হয়েছে। দিব্যাঙ্গজন ভোট কর্মীদের পরিচালনায় থাকবে ৭টি ভোটকেন্দ্র। তাছাড়া যুবা ভোটকর্মীরা ৭টি ভোট কেন্দ্র পরিচালনার দায়িত্বে থাকবেন। তিনি জানান, উত্তর জেলায় বৃষ্টি ভোটার রয়েছে মোট ১০ হাজার ২৪৮

জন। এই জেলার সর্বত্র ভোটার যাতে অবাধ সুষ্ঠুভাবে ভোটাধিকার প্রয়োগ করতে পারে সেই লক্ষ্যে পর্যাপ্ত নিরাপত্তার ব্যবস্থা গ্রহণ করা হয়েছে।

Training of Women Polling personnel :

আজ বিশালগড়ে মহিলা ভোটকর্মীদের নিয়ে প্রশিক্ষণ অনুষ্ঠিত হয়। বিশালগড় মহকুমা প্রশাসনের উদ্যোগে পুরাতন টাউন হলে আয়োজিত এই প্রশিক্ষণে মহকুমার অন্তর্গত ৩টি বিধানসভা কেন্দ্রের মোট ১০৫ জন মহিলা ভোটকর্মী অংশ গ্রহণ করেন। ডেপুটি কালেক্টর প্রসেনজিৎ দাস জানিয়েছেন বিশালগড় বিধানসভা কেন্দ্রের ১৪টি ভোটকেন্দ্রে, কমলাসাগর বিধানসভা কেন্দ্রের ২টি ভোটকেন্দ্র ও চড়িলাম বিধানসভা কেন্দ্রের ২টি ভোটকেন্দ্রের দায়িত্বে থাকবেন মহিলা ভোটকর্মীরা। পরবর্তী প্রশিক্ষণ কর্মসূচিগুলিতে EVM সহ ভোট গ্রহণের আনুসঙ্গিক আরো অন্যান্য বিষয়ে প্রশিক্ষণ দেওয়া হবে।

Flag March held at Gomoti :

লোকসভা নির্বাচনের আগে আইন-শৃঙ্খলা শান্তিপূর্ণ বজায় রাখার জন্য গোমতি জেলার বিভিন্ন স্থানে নিরাপত্তা বাহিনীর ফ্ল্যাগ মার্চ অব্যাহত রয়েছে। আজ সন্ধ্যায় উদয়পুর শহরের ব্রহ্মা বাড়ী, নিউ টাউন রোড, সেন্ট্রাল রোড এলাকায় নিরাপত্তা বাহিনীর ফ্ল্যাগ মার্চে অংশ নেন আইন শৃঙ্খলা বিষয়ক আই জি সৌমিত্র ধর, গোমতী জেলার পুলিশ সুপার নমিত পাঠক, অতিরিক্ত পুলিশ সুপার সুফিক দে, উদয়পুর মহকুমা পুলিশ আধিকারিক

অজয় দেববর্মা প্রমুখ। গোমতী জেলার পুলিশ সুপার নমিত পাঠক জানান যে, লোকসভা ভোট শান্তিপূর্ণভাবে সম্পন্ন করার জন্য পুলিশ প্রশাসনের পক্ষ থেকে সর্বাত্মক নিরাপত্তা ব্যবস্থা গ্রহণ করা হয়েছে।

Current Affairs :

রাজ্যের ২টি আসনের লোকসভা নির্বাচনে নতুন ভোটারদের ভোটদানে আগ্রহ বাড়াতে স্কুল কলেজে প্রচারমূলক কর্মসূচী করছে রাজ্য নির্বাচন দপ্তর। ভোটকেন্দ্রগুলিতে ঝড় বৃষ্টি বা প্রখর রৌদ্রোতাপে যেন ভোটারদের অসুবিধা না হয় তার জন্য ছাঁউনির ও ব্যবস্থা করা হচ্ছে বলে জানিয়েছেন রাজ্যের যুগ্ম মুখ্য নির্বাচনী আধিকারীক দেবদাস দেববর্মা। এই নিয়ে আকাশবানী আগরতলার সংবাদ বিভাগের সাপ্তাহিক আলোচনায় একটি স্বাক্ষাতকার ভিত্তিক অনুষ্ঠান শোনা যাবে আগামীকাল বেলা ৩.১৫ মিনিটে আকাশবানী আগরতলা কেন্দ্র থেকে।

Good Friday-Governor :

রাজ্যপাল ইন্দ্রসেনা রেড্ডি নাল্লু আজ গুড ফ্রাইডে উপলক্ষে মরিয়মনগর চার্চ পরিদর্শন করেন। আজ দুপুরে রাজ্যপাল মরিয়মনগর চার্চে এসে পৌঁছলে তাঁকে স্বাগত জানান চার্চের ফাদার। রাজ্যপাল গুড ফ্রাইডে উপলক্ষে খ্রিষ্টান ধর্মাবলম্বীদের শুভেচ্ছা জানিয়ে বলেন, মানব জাতির উদ্দেশ্যে যীশু খ্রিষ্টের বার্তা ছিল অসহায়কে দয়া কর ও শত্রুকে ক্ষমা কর। যীশু তাঁর জীবনের মাধ্যমে বার্তাগুলি দিয়ে গিয়েছিলেন।

TSR vote :

সিপিআইএম রাজ্য সম্পাদক জিতেন্দ্র চৌধুরী আজ এক চিঠিতে মুখ্য নির্বাচন কমিশনারকে জানিয়েছেন, টি.এস.আর এর দুই ব্যাটেলিয়ানের প্রায় ২ হাজার জওয়ান বর্তমানে দিল্লি ও ছত্তিশগড়ে বিভিন্ন সরকারি প্রতিষ্ঠানে নিরাপত্তার রক্ষার কাজে নিয়োজিত রয়েছে। তাদের প্রায় সকলেরই রাজ্যে ভোটার তালিকার নাম রয়েছে। আসন্ন লোকসভা নির্বাচনে সংশ্লিষ্ট টি.এস.আর জওয়ানদের ভোটাধিকার নিশ্চিত করার জন্য শ্রী চৌধুরী মুখ্য নির্বাচন কমিশনারের কাছে অনুরোধ জানিয়েছেন। সংশ্লিষ্ট টিএসআর জওয়ানদের পোস্টাল ব্যালট-এ অথবা জওয়ানরা সেখানে রয়েছে সেখানে সুনির্দিষ্ট ভোটকেন্দ্রে তাদের ভোট প্রদানের ব্যবস্থা করার জন্য শ্রী চৌধুরী নির্বাচন কমিশনারের কাছে অনুরোধ জানিয়েছেন।

BJP-West Tripura :

মান্দাই বাজারে আজ এক নির্বাচনী জনসভা অনুষ্ঠিত হয়। উপস্থিত ছিলেন মুখ্যমন্ত্রী অধ্যাপক ডাঃ মানিক সাহা, সমবায় মন্ত্রী শুক্লাচরণ নোয়াতিয়া, এডিসি'র চেয়ারম্যান জগদীশ দেবর্মা, বিজেপি রাজ্য সভাপতি রাজীব ভট্টাচার্য। এই সভায় বক্তাগণ সিপিআইএম ও কংগ্রেসের সমালোচনা করে বক্তব্য রাখেন। তাছাড়া বিজেপি'র উদ্যোগে জিরানিয়া ও সিমনায় বাইক রেলি অনুষ্ঠিত হয়। উপস্থিত ছিলেন বিজেপি প্রার্থী তথা সাংসদ বিপ্লব কুমার দেব।

BJP-Ramnagar :

রামনগর বিধানসভা কেন্দ্রে উপনির্বাচনের বিজেপি প্রার্থী দীপক মজুমদার আজ কৃষ্ণনগর এলাকায় বাড়ি বাড়ি প্রচারে অংশ গ্রহন করেন। সঙ্গে ছিলেন আগরতলা পুর নিগমের কর্পোরেটর তুষার ভট্টাচার্য সহ অন্যান্য বিজেপি কার্যকর্তাগণ।

CM-Bordowali :

মুখ্যমন্ত্রী অধ্যাপক ডাঃ মানিক সাহা আজ বড়দোয়ালীতে বিজেপি'র নির্বাচনী কার্যালয়ের উদ্বোধন করেন। উপস্থিত ছিলেন রামনগর বিধানসভা কেন্দ্রের উপনির্বাচনে বিজেপি প্রার্থী তথা পুর নিগমের মেয়র দীপক মজুমদার ও বিজেপির অন্যান্য কার্যকর্তাগণ।

Vote campain gomati :

পশ্চিম ত্রিপুরা লোকসভা আসনে ইঞ্জিয়া জোট সমর্থিত কংগ্রেস প্রার্থী আশীষ কুমার সাহা আজ উদয়পুরের বেশ কয়েকটি এলাকায় নির্বাচনী প্রচারে অংশ নিয়েছেন। তিনি আঠারোভোলা, কিল্লা বাজার, পিত্রা বাজার, মহারানী বাজার, দুর্গা বাড়ি ড্রপগেইট, গকুলপুর বাজার, বাগমা বাজার এলাকায় নির্বাচনী প্রচার করেন। এই প্রচার কর্মসূচিতে প্রার্থীর সঙ্গে উপস্থিত ছিলেন প্রাক্তন মন্ত্রী রতন কুমার ভৌমিক, সিপিআইএমএল এর রাজ্য সম্পাদক পার্থ কর্মকার।

এদিকে, বিজেপি প্রার্থী বিপ্লব কুমার দেবের সমর্থনে আজ উদয়পুরের বিভিন্ন এলাকায় নির্বাচনী প্রচारे উপস্থিত ছিলেন অর্থমন্ত্রী প্রণজিৎ সিংহ রায়, বিজেপি'র আর কে পুর মন্ডল সভাপতি প্রবীর দাস।

India Block Meeting-South :

আজ পশ্চিম ত্রিপুরা লোকসভা আসনের কংগ্রেস প্রার্থী আশীষ কুমার সাহার সমর্থনে বিলোনিয়ার বিভিন্ন এলাকায় নির্বাচনী প্রচারের আয়োজন করা হয়। উপস্থিত ছিলেন বিধায়ক দীপংকর সেন, সিপিআইএম নেতা ত্রিলোকেশ সিনহা, বিলোনিয়া ব্লক কংগ্রেস সভাপতি দেবশীষ মজুমদার।

এদিকে, আজ রাজনগরে এক বৈঠকে ইন্ডিয়া জোটের রাজনগর বিধানসভা সমন্বয় কমিটি গঠিত হয়। কমিটির যুগ্ম আহ্বায়ক হয়েছেন সিপিআইএমের ভজন দাস ও কংগ্রেসের সঞ্জিত দেবনাথ।

CPIM Congress Prachar :

আসন্ন লোকসভা নির্বাচনে পশ্চিম ত্রিপুরা আসনে কংগ্রেস প্রার্থী আশিস কুমার সাহা এবং রামনগর বিধানসভা কেন্দ্রের উপ-নির্বাচনে সিপিআইএম প্রার্থী রতন দাস আজ আগরতলার কৃষ্ণনগর ও রামনগর এলাকায় বাড়ি বাড়ি প্রচার করেন। এই প্রার্থীদের সঙ্গে প্রচারে অংশ গ্রহণ করেন বিরোধী দলনেতা

জীতেন্দ্র চৌধুরী, সিপিআইএম নেত্রী কৃষ্ণা রক্ষিত ও কংগ্রেসের নেতৃবৃন্দ।

Dol Utsav-Unakoti :

ঊনকোটি জেলা সদর কৈলাশহরে আজ দোল উৎসব অনুষ্ঠিত হয়। আয়োজনে ছিল, তথ্য-সংস্কৃতি দপ্তরের মহকুমা কার্যালয়। এই উপলক্ষে সকালে কৈলাশহরের বিভিন্ন সাংস্কৃতিক সংস্থার অংশগ্রহণে এক বর্ণময় শোভাযাত্রা অনুষ্ঠিত হয়েছে। রামকৃষ্ণ শিক্ষা প্রতিষ্ঠানের মাঠে দল উৎসবের তাৎপর্য নিয়ে আলোচনা করেন, তথ্য-সংস্কৃতি দপ্তরের সহ-অধিকর্তা বিশ্বজিৎ দেব।

Pratima Bhowmik :

কেন্দ্রীয় সামাজিক ন্যায় বিচার ও ক্ষমতায়ন প্রতিমন্ত্রী প্রতিমা ভৌমিক আজ গন্ডাতুইসায় গত ২৩শে মার্চ ঝড়ের কবলে পরে ডুমুর জলাশয়ে মৃত চার মৎস্যজীবির বাড়িতে যান। তিনি শোকসন্তপ্ত পরিবার পরিজনদের প্রতি সমবেদনা জানান।

Super Division :

টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতায় ইউনাইটেড ফ্লেন্ডস রানার্স হয়েছে। আজ আসরের শেষে ম্যাচে জয় ছিনিয়ে মোট ১০টি ম্যাচ থেকে ইউনাইটেড ফ্লেন্ডস ২৪ পয়েন্ট সংগ্রহ করে। একই রকম ভাবে ব্লাডমাউথ ক্লাব এবং স্ফুলিঙ্গ ক্লাবও ২৪ পয়েন্ট পায়। শেষে ভাল রানের

গড়ে ইউনাইটেড ফ্রেন্ডস রানার্স হয়। আসরে ২৮ পয়েন্ট নিয়ে সংহতি ক্লাবে আগেই চ্যাম্পিয়নের খেতাব পেয়েছে। আজ শেষ দুটি ম্যাচে ইউনাইটেড ফ্রেন্ডস ও ব্লাডমাউথ ক্লাব জয়লাভ করে। নরসিংগড়ের পিটিএ মাঠে ব্লাডমাউথ ক্লাব ২ উইকেটে জয়নগর ক্রিকেট ক্লাবকে এবং টিআইটি মাঠে ইউনাইটেড ফ্রেন্ডস ২৬২ রানে শতদল সংঘকে হারিয়ে দেয়। এই পরাজয়ের ফলে শতদল সংঘের সুপার ডিভিশন থেকে অবনমন হল। আগামী মরশুমে তারা প্রথম ডিভিশনে খেলবে।

State wise 13 Cricket :

টিসিএ পরিচালিত রাজ্যভিত্তিক অনূর্ধ্ব ১৩ বছরের ক্রিকেট প্রতিযোগিতার দুটি সেমিফাইনাল আগামীকাল হবে। এতে নরসিংগড়ের পঞ্চায়েত মাঠে সদর-বি বনাম বিশালগড় এবং নেপকো মাঠে সদর-এ বনাম উদয়পুর পরস্পরের মুখোমুখি হবে। আগামী পয়লা এপ্রিল ফাইনাল ম্যাচটি হবে।

Women's Cricket :

টিসিএ পরিচালিত মহিলাদের ঘরোয়া একদিনের সীমিত ওভারের ক্রিকেটে আজ অনুষ্ঠিত ৩টি খেলায় জুটমিল কোচিং সেন্টার, ভগিনী নিবেদিতা মহিলা সমিতি ও চাম্পামুড়া কোচিং সেন্টার জয়লাভ করেছে। এম বি বি স্টেডিয়ামে অনুষ্ঠিত খেলায় জুটমিল কোচিং সেন্টার ৪৫ রানে ব্লাডমাউথ ক্লাবকে, তালতলা মাঠে ভগিনী নিবেদিতা মহিলা সমিতি ৯ উইকেটে নিউ প্লে সেন্টারকে

এবং মেলাঘরে চাম্পামুড়া কোচিং সেন্টার ২ উইকেটে মৌচাক কোচিং সেন্টারকে হারিয়ে দেয়।

Weather :

আগামীকাল আকাশ আংশিক মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা বৃষ্টি পাতের সম্ভাবনা রয়েছে। তাপমাত্রা সর্বোচ্চ বত্রিশ ডিগ্রী এবং সর্বনিম্ন বাইশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল বত্রিশ দশমিক ছয় ডিগ্রী এবং সর্বনিম্ন একুশ দশমিক সাত ডিগ্রী সেলসিয়াস। আগামী চব্বিশ ঘণ্টায় রাজ্যের সব জেলায় বিক্ষিপ্তভাবে বজ্র বিদ্যুত সহ বৃষ্টিপাতের সতর্কতা জারি করেছে আবহাওয়া দপ্তর।

Forward Block :

ইন্ডিয়া জোটের প্রার্থীদের জয়ী করার আহ্বান রাখেন ফরওয়ার্ড ব্লক রাজ্য কমিটি। আজ এক সাংবাদিক সম্মেলনে একথা জানিয়েছেন ফরওয়ার্ড ব্লকের কেন্দ্রীয় নেতৃত্ব রঘুনাথ সরকার। উপস্থিত ছিলেন বাধারঘাট বিধানসভা নির্বাচনের বিজিত প্রার্থী পার্থ রঞ্জন সরকার। সাংবাদিক সম্মেলনে বিজেপির তীব্র নিন্দা করেন ফরওয়ার্ড ব্লক নেতৃত্ব। রাজ্যে বিজেপি প্রার্থী খুঁজে পাচ্ছেন না বলে অভিযোগ করেন তারা। এবারের নির্বাচনে ইন্ডিয়া জোটের প্রার্থীরাই বিজয়ী হবে বলে আশা ব্যক্ত করেন তারা।

Observer visit Strong Room :

29/3/24

নির্বাচন কমিশনের পর্যবেক্ষক Vivek L Bhimanwar, আজ উমাকান্ত একাডেমির স্ট্রং রুম ও গণনা কেন্দ্রের পরিকাঠামো ঘুরে দেখেন। সঙ্গে ছিলেন পশ্চিম ত্রিপুরা লোকসভা আসনের রিটার্নিং অফিসার ডা: বিশাল কুমার।

Manish.

